

ARAHAN: Jawab SEMUA soalan**BAHAGIAN A (5 markah)**

Arahan: Dalam petikan karangan di bawah ini terdapat 5 tempat kosong. Isi setiap tempat kosong ini dengan perkataan yang sesuai mengikut konteks petikan karangan tersebut. Kemudian, tulis jawapan kamu mengikut susunan perkataan dalam petikan karangan di dalam Kertas Jawapan yang disediakan.

Seramai 1,500 pekerja bergaji rendah akan menerima tambahan gaji sehingga \$25 dalam gaji bulanan mereka pada tahun ini. Di **(1)** _____ bonus pertengahan tahun sebanyak 0.45 bulan yang akan diberi kepada semua **(2)** _____ awam bulan depan, pemerintah juga **(3)** _____ saranan gaji bagi pekerja bergaji rendah. Baru-baru ini ada saranan kenaikan gaji sehingga \$65 bagi pekerja dengan pendapatan bulanan **(4)** _____ sehingga \$1,100. Ini merupakan **(5)** _____ kelima kenaikan gaji yang disarankan sejak pihak NTUC berjaya melobi kenaikan gaji pada tahun 2012. Pada tahun itu, gerakan buruh mengusulkan kenaikan gaji sebanyak \$50.

(Diadaptasikan dari Berita Harian "1,500 Pekerja Gaji Rendah Dapat Gaji Tambahan", 16 Jun 2016)

BAHAGIAN B (30 markah)

Arahan : Baca petikan karangan di bawah ini dengan teliti.

Hutan Terus Dibakar?

Oleh LAURENT METZER

metzer@wartakita.com

Tidak hanya melanda Indonesia, Malaysia dan Singapura, pada abad ke 20, kota London pernah dilanda jerebu yang berpunca daripada alat pemanasan yang digunakan pada musim sejuk dan asap yang dikeluarkan dari kilang di sekitar London. Masalah tersebut segera diatasi dengan membina kilang baharu yang lebih moden dan tidak lagi mengeluarkan asap yang berlebihan.

Kaedah pertanian secara tradisional, seperti **menebas** dan membakar digunakan di seluruh dunia, akan tetapi pada masa dahulu, kegiatan tersebut dilakukan secara kecil-kecilan. Malangnya, keadaan sekarang pembakaran meliputi ribuan ekar hutan belantara di Sumatera.

Banyak hutan ditebang untuk beberapa tujuan yang berlainan. Walau bagaimanapun, impak kebakarannya adalah sama, iaitu merosakkan **nadi** hutan belantara yang mampu meresap karbon dan menyegarkan kehidupan. Sebaliknya, jika hutan ditebang, karbon dioksida tidak terperangkap dan manusia akan mengalami masalah kesihatan.

Menurut beberapa kajian pada dekad 1990an, jumlah gas karbon dioksida yang terperangkap di dalam hutan dianggarkan sebanyak dua bilion tan. Satu bilion tan masih di udara dan hal tersebut pasti mengancam kesihatan manusia. Keadaan teruk juga berlaku tahun lepas di mana sekolah-sekolah telah ditutup di Malaysia akibat dilanda jerebu buruk.



Kebakaran hutan tidak berlaku secara serentak tetapi secara berperingkat yang dirancang oleh pengusaha ladang. Perkara yang sama dapat diperhatikan di seluruh dunia kerana hampir semua kebakaran secara besar-besaran disebabkan oleh pembakaran terbuka. Tidak dinafikan bahawa beberapa buah syarikat antaranya milik syarikat Singapura turut terlibat untuk tujuan penanaman kelapa sawit.

Setiap tahun, ketamakan pihak yang tidak bertanggungjawab terhadap alam sekitar **menindas** berjuta-juta manusia. Kegiatan pembakaran hutan untuk menggantikan pokok kenanga dan meranti dengan pokok kelapa sawit telah menafikan peranan semula jadi hutan belantara.

Masalah jerebu yang dideritai oleh jutaan juga datangnya dari pekebun kecil. Mereka sudah terbiasa dengan kaedah tebang dan bakar setiap kali musim pertanian baharu tiba. Walaupun banyak inisiatif telah dijalankan, mereka masih berdegil kerana tidak menggunakan jentera jentolak. Ada juga perjanjian jerebu Asean yang menuntut supaya pihak yang terlibat mengekang dan mengawal aktiviti pembakaran hutan. Namun, pihak berkuasa tempatan sukar menyelesaikan masalah ini kerana rasuah yang berleluasa.

Arahan : Berdasarkan petikan karangan di halaman 3, jawab soalan-soalan berikut dengan menggunakan ayat kamu sendiri. Kemudian, tulis jawapan kamu di Kertas Jawapan yang disediakan.

6. Sejarah membuktikan dunia pernah mengalami masalah jerebu. Terangkan.
(6 markah)
7. Jelaskan bagaimana eko-sistem dunia boleh terjejas akibat perbuatan manusia yang tidak bertanggungjawab.
(6 markah)
8. Apakah yang dimaksudkan dengan “kegiatan pembakaran hutan selama ini tidak berpunca daripada fenomena alam”.
(6 markah)
9. Bagaimanakah penyelesaian terhadap isu jerebu dapat dihuraikan secara jangka panjang.
(6 markah)
10. Terangkan maksud perkataan-perkataan berikut mengikut konteks petikan karangan yang diberikan.
(6 markah)
 - (a) menebas
 - (b) nadi
 - (c) menindas

SELESAI

SKEMA PEMARKAHAN PRELIMS H2 MLL 2016 SRJC

BAHAGIAN A (5 markah)

1. samping
2. kakitangan
3. menyokong
4. asas
5. pusingan

Bahagian B (30 markah)

6. Sejarah membuktikan dunia pernah mengalami masalah jerebu. Terangkan.

IU: Pada abad ke 20, kota London pernah dilanda jerebu yang berpunca daripada alat pemanasan yang digunakan pada musim sejuk dan asap yang dikeluarkan dari kilang di sekitar London. (2m)

IS: Masalah tersebut segera diatasi dengan membina kilang baharu yang lebih moden dan tidak lagi mengeluarkan asap yang berlebihan. (1m)

IU: Kaedah pertanian secara tradisional, seperti **menebas** dan membakar digunakan di seluruh dunia, (2m)

IS: tetapi pada masa dahulu, kegiatan tersebut dilakukan secara kecil-kecilan. (1m)

7. Jelaskan bagaimana eko-sistem dunia boleh terjejas akibat perbuatan manusia yang tidak bertanggungjawab.

IU: ia merosakkan **nadi** hutan belantara yang mampu meresap karbon dan menyegarkan kehidupan (2m)

IS: satu bilion tan masih di udara dan hal tersebut pasti mengancam kesihatan manusia.

IU: jika hutan ditebang, karbon dioksida tidak terperangkap dan manusia akan mengalami masalah kesihatan (2m)

IS: Keadaan teruk juga berlaku tahun lepas di mana sekolah-sekolah telah ditutup di Malaysia akibat jerebu buruk. (1m)

8. Apakah yang dimaksudkan dengan “kegiatan pembakaran hutan selama ini tidak berpunca daripada fenomena alam”. (6 markah)

IU: Kebakaran hutan tidak berlaku secara serentak tetapi secara berperingkat yang dirancang oleh pihak pengusaha ladang (2m)

IS: Perkara yang sama dapat diperhatikan di seluruh dunia kerana hampir semua kebakaran secara besar-besaran disebabkan oleh pembakaran terbuka (1m)

IU: Kegiatan pembakaran hutan untuk menggantikan pokok kenanga dan meranti dengan kelapa sawit telah menafikan peranan semula jadi hutan belantara. (2m)

IS: Tidak dinafikan bahawa beberapa buah syarikat milik syarikat Singapura turut terlibat untuk tujuan penanaman kelapa sawit. (1m)

9. Bagaimanakah penyelesaian terhadap isu jerebu dapat dihuraikan secara jangka panjang. (6 markah)

IU: pekebun kecil harus berhentikan kaedah tebang dan bakar setiap kali musim pertanian baharu tiba. (2m)

IS: mereka harus bekerjasama menggunakan jentera jentolak dan bukan pembakaran hutan. (1m)

IU: melaksanakan perjanjian jerebu Asean menuntut di mana pihak yang terlibat harus mengekang dan mengawal aktiviti pembakaran hutan. (2m)

IS: Pihak berkuasa tempatan harus cuba selesaikan masalah rasuah yang berleluasa.

10. Terangkan maksud perkataan-perkataan berikut mengikut konteks petikan karangan yang diberikan. (6markah)

(d) menebas - memotong atau menebang pokok

(e) Nadi – denyutan kehidupan

(f) menindas – menganiaya

SELESAI